

皋蘭縣續志

第二冊

卷三 建置 水利

學校

卷四 風俗 土產

卷五 祠祀 古蹟

卷六 武衛 邊績

皋蘭縣續志卷之三

建置

國家承平累世海宇乂安以休和無事爲福蘭州自乾隆辛丑小醜跳梁郭郭壇宇祠觀及皋蘭五泉諸山名勝毀於兵燹厥後次第興復一如其舊營之前志可覆而按也惟新營構者不可以不載續建置

樺林山城在城西南三里龍尾山之西舊爲僧寺外有三聖廟撒拉番回蘇四十三等之變自河州犯省城屯聚於此山險地要俯瞰城中負隅死守深爲城患事平總督李

皋蘭縣續志

卷三

建置

侍堯奏請銀一十六萬一千一百兩在樺林山坪建置營堡周圍築城移督標右營叅將住堡城內修將備衙署千總把總外委住房八十一間兵房一千二百間守備兵丁六百七十員名又在龍尾山巔修空心大墩四派兵巡守扼衝要衛城池乾隆四十七年四月十七日興功八月二十六日工竣

省城附郭皋蘭縣城道光十四年制府楊遇春因歲久傾圮籌款補築

江西會館二一在南府街名鐵柱宮一在山子石

江南會館一在南府街

浙江會館一在南府街

山陝會館一在山子石文昌宮之後

義塚

舊名漏澤園明御史鄒應龍所捐地在蕭家坪段堅作義塚記者今無地可葬貧旅以為憾道光十二年知蘭州府陳士楨捐俸新置義塚地在東郊外五里舖官廳迤南南北長一百二十四丈東西寬五十九丈計地一百一十畝奇南北立義塚牌坊各一碑記云凡客人旅櫬及居民無墳塋之家俱准於義塚葬埋

皋蘭縣續志

卷三 建置

二

義園

陝西義園乾隆五十七年建

山西義園乾隆五十九年建

兩江義園

江西

嘉慶七年建

全浙義園道光四年建

俱在東川

乾隆丁巳指揮李荔在府學明倫堂前豎石柱四倣長安慈恩寺故事鐫歷科進士舉人於其上名曰雁塔一以表前人一以勵後學法甚良意甚美也奈歷年久遠姓名剝落道光二十三年經舉人田毓采巫淳廩生韓維甸段文耀倡捐募修作塔四高五層文東武西自有明以至國朝凡登科甲者悉以次勒之並樹貢生題名碑於側

水利

西門鄴郡爰治水門鄭白富平穿山作井灌溉之利實濟生民至於近世龍骨可以吸川螺紋可以轉水桔槔可以引流蘭州黃河分潤然水車之利不宜旱澇舊志已詳言之今木料較昂每遇歲修浩繁更形竭蹶或因之廢折此又前人所不及逆料者續水利志

黃河水自塞外人中國東北流至西寧府屬之貴德廳界又東北至河州積石關迤東至尖山皋蘭縣治之西境也洮水自南來歷尖山流入之洮水出西傾山南歷岷州境

皋蘭縣續志

卷三 水利

三

經狄道城西秣邦川水自東南流注於洮又北二十里灘水自東來注於洮三汭水自西南來注於洮又北九十里大夏水自南來注於洮洮水又北二十里至尖山西南之石門山險峽口入黃河黃河水右佩洮大夏左佩湟大通迤東爲皋蘭河河流始大北有金山白塔山南有龍尾山皋蘭山山下皆磐石至金城關激流洶湧聲若轟雷自塞外至關門番界地多平行又東一千九十里至此兩山皆石峽河水始一束其東爲鎮遠橋橋西十里曰小墩子西二十里曰王保保城又西十里曰石門河至小墩子地稍

平廣水勢行緩蕩爲巨浸曰蓮花池池之側南岸高二丈許居人近河濱者疏小渠用螺紋車轉水而上爲木槽受水高與岸平引渠灌田俗謂之水車蓮花池距城西四里明肅藩園亭舊種蓮花久廢但茨蘋蔓藻四旁多蒲葦古長城或斷或續至新城以上水車一輪灌地三十餘塙又西曰劉王家堡種瓜并果園桃棗之類極多水車三輪灌地一百八十餘塙又河中曰觀音灘地高而險水車一輪灌地五十餘塙又西曰鄭家岸門水車二輪灌地一百一十餘塙又西曰土門墩長城零落居民多倚爲墻垣其地

皋蘭縣續志

卷三

水利

四

瀕河岸高平坦大水車三輪灌地一百七十餘塙小水車二輪灌地六十餘塙汶河之北曰馬灘園圃相連樹林叢鬱水車一輪灌地七十餘塙又西曰尹家灘水車一輪灌地六十餘塙又西曰營門灘水車一輪灌地三十餘塙又西曰柳灘柳樹層密布護沿河水車一輪灌地七十餘塙又西曰大灘河汶交流港分南北水車一輪灌地七十餘塙又西曰中灘水車二輪灌地九十塙又西曰下灘水車一輪灌地五十塙又西曰學厓子水車四輪灌地二百餘塙又西曰崔家厓高厓根水車二輪灌地一百二十塙又

西曰陳官營舊屯田處地平坦沿長城多種木棉花西瓜
東灣水車一輪灌地九十埝大水車一輪灌地一百一十
埝小水車二輪灌地七十埝又西曰瞿家營亦古屯田處
濱河險要大水車一輪灌地八十五埝小水車一輪灌地
六十埝雙車二輪灌地一百二十埝新大水車一輪灌地
一百六十埝西大水車一輪灌地一百二十埝西新水車
一輪灌地一百三十埝又西曰鍾家河棗林甚多水車三
輪灌地三百二十餘埝又西曰古城漢允吾城也城下水
車二輪灌地一百二十餘埝又西曰西柳溝舊多榆柳卽

皋蘭縣續志

卷三

水利

五

西榆谷地棗林五千株他果木稱是十四家水車一輪灌
地七十埝又西寡婦家水車一輪灌地一百埝又西瞿盧
王水車五輪灌地三百五十五埝又水車四輪灌地二百
六十埝又西雙水車二輪灌地六十餘埝又西曰石佛灣
有天然渠口疏鑿之引黃河水可灌田數十里岸上地狹
水車一輪灌地八十五埝又西曰梁家灣河水一小曲並
岸地狹水車一輪灌地七十埝又西曰札馬台元人置煙
墩在焉水車二輪灌地一百三十埝又西曰新城城周數
百丈坦地有灘灣下尖灘水車一輪灌地五十埝上尖灘

水車一輪灌地五十耑又西地溝子水車一輪灌地六十耑又西曰白浪河石相激水聲涵湧其流迅速如萬馬馳水車二輪灌地一百二十耑又西駝水河坡灘勢起伏如駝狀水車二輪灌地一百一十耑又西大溝門水車一輪灌地五十耑又西元駝子水車一輪灌地六十耑又西岔河水車一輪灌地五十耑又西曰青石嘴水車三輪灌地一百八十餘耑又西曰馬家灣河水環流勢少曲水車一輪灌地六十耑又西溝口水車一輪灌地八十耑又西黑石頭灣山根沿河石青色水車一輪灌地八十耑

皋蘭縣續志

卷三

水利

六

又西曰姚家上下銓上銓水車一輪灌地八十耑下銓水車三輪灌地一百五十餘耑又西曰半個川川作偃月形曲流平明如鏡灘底水車二輪灌地一百二十耑又西峽口地勢漸窄水車一輪灌地五十耑又西鸚鵡嘴大石嶺峒峙河中水車二輪灌地一百一十餘耑又西曰下厓頭水車二輪灌地一百餘耑又西楊家大水車一輪灌地六十耑又西曰岔河水車二輪灌地一百耑又西曰下古城下仁厓水車二輪灌地一百一十餘耑又西曰小川峽水車二輪灌地一百一十餘耑

東灘水車之利

河橋東半里許北城根偃月臺瀕河岸高一丈餘城內卽制府節署明肅藩舊府也城上樓曰籌邊磴道百級下倚城爲園植花卉竹木麥禾菘豆之屬城外水車一輪架槽穿城穴外通小渠引河水入城灌節署圍繞流慶祝宮墻外兼資民用北城根之東二里曰水北門門外卽黃河居民引汲督標五營飲馬於此又東二里水車一輪灌地二百餘畝又東有古長城基城高三丈厚半之缺者爲窟土人於基址高峻處因地勢作樓殿祀老子曰祖師樓又名

皋蘭縣續志

卷三

水利

七

水車園水車三輪灌地六百餘畝又東曰教場北並河港汲水車十輪灌地一千二百畝又東一里段家灣邑賢段續官南方得水車法始引河水車三輪灌地四百五十畝奇又東曰岸門水車三輪灌地四百二十畝奇又汲河北岸曰大雁灘水車四輪灌地三百畝奇其南岸水車四輪灌地六百五十畝奇又北曰小雁灘水車一輪灌地一百八十畝奇其北岸曰石溝灘水車一輪灌地一百九十畝其東曰蘇家灘水車一輪灌地二百二十畝奇其北岸水車一輪灌地二十畝奇又東曰張家灘水車三輪灌地二

百八十畝奇又東有練家車邱家車曹家車王家車共四
輪灌地六百八十畝奇又東有劉家車灌地八十畝又東
北岸曰段家灘水車二輪灌地二百三十畝奇又東有趙
家車一輪灌地二百四十畝奇又東有王家車一輪灌地
二百二十畝奇又東曰王家坪水車一輪灌地一百六十
畝奇又東曰下段家灘水車一輪灌地一百八十畝奇又
東北曰釣家灘水車二輪灌地二百七十畝奇又東曰劉
家灘水車二輪灌地二百六十畝奇又東曰高灘水車一
輪灌地二百畝奇東南岸曰范家灣水車一輪灌地六十
餘畝又東曰傅家灣水車一輪灌地五十餘畝方家灣水
車一輪灌地六十餘畝北岸曰傅家灘水車一輪灌地五
十餘畝船灘雙車二輪灌地九十餘畝南岸曰鑿荆灘水
車一輪灌地九十餘畝又東北曰南面灘東岡坡陀河水
北注灘居其陰新車一輪灌地一百餘畝中車一輪灌地
一百二十餘畝下車一輪灌地一百餘畝又東曰駱駝灘
上車一輪灌地一百餘畝下車一輪灌地一百餘畝

黃河北岸沿西水車之利

鎮遠橋北沿河而西曰回水灣河流至此一小曲小水車

二輪灌地二百二十畝奇又西曰十里店種西瓜醉瓜韭
茄菜蔬之屬水車二輪灌地七十畝奇又西官水車一輪
灌變價官園地四十畝又西曰費家營古屯田處水車二
輪灌地一百一十畝奇又西曰孔家崖頭田五百畝水車
四輪灌注不絕又西李家水車一輪灌地三十畝又西洞
子水車一輪灌地七十畝又西王家廖家水車二輪灌地
七十畝奇又西曰北營川水車三輪灌地一百一十畝奇
又西水車五輪灌地一百六十畝奇又西曰安凝堡有桃
林水車三輪灌地一百六十畝奇又西曰沙井驛河曲平

沙遠岸高無水居人鑿以飲河邊水車二輪灌地一百二
十畝奇又西焦家灣水車一輪灌地一百畝奇又西曰柴
家崖根水車一輪灌地四十畝奇又西曰柴家川水車三
輪灌地一百三十畝奇又西曰達家川其地亦多種瓜水
車三輪灌地一百二十畝奇又西曰張家灣河流至此灘
勢平坦一小曲多林木水車三輪灌地一百三十畝奇
鹽場堡水車之利

鎮遠橋之北沿河東去五里曰鹽場堡曩出雪花鹽土人
於沙溝口掃濕鹵土熬之有宋氏園周遭十里許徧植梨

果之屬緣山栽棗數千株旁河護以柳榆水車上下計八輪灌地四百八十畝奇

黃河以東沿北岸水車之利

鹽場堡東去黃河入峽至青石灣漸寬水車一輪灌地一百一十畝奇又東曰泥灣河流宛轉植梨果水車一輪灌地二百二十畝奇又東北曰紅寺崖水車二輪灌地二百一十畝奇又東北曰紅柳灘多紅柳水車二輪灌地二百二十畝奇又東曰大砂窪水車二輪自青石灣至此地地下濕歲有波漲之患然引灌得利多富民灌地二百二十畝

皋蘭縣續志

卷三

水利

十

奇又東曰鶯標灣水車二輪又東曰貓茨嘴水車一輪又東曰大河沿河忽窄忽寬隨山峽勢水車一輪三處灌地四百四十畝奇又東曰白茨灘地多枸杞水車五輪灌地五百三十畝奇

一條城水車之利

一條城在一條山南地勢平行土脈沃膏林木森鬱多種水菸木棉花商賈貿易市廛鱗列居民饒富南瀕河水車三輪灌田二百餘畝又小河灘夾河灘水車四輪灌地一百五十畝奇又東曰白茨灘自騰梅嘴至金溝口相距十

里許水車遠近十五輪灌地一千二百畝奇又東曰蔣家灣自苦水溝至下蔣家灣相隔七里許水車遠近九輪灌澆田地每車或五六十畝七八十畝此皆皋蘭黃河水利之尤昭者也

泉水之利

筍蘿溝在縣治西南十里衆山匯聚泉流五十餘里灌田一千三百餘畝灌園圃六處轉水磨二十三輪黃峪溝在縣治西南十五里山多巨石其水經流三十餘里灌田五百餘畝園圃十一處轉水磨十三輪曹家溝在縣治西二

皋蘭縣續志

卷三

水利

十一

十里大小金溝在縣治西二十里三溝共入一溝水經流五里餘灌地一百六十四畝灌園圃三處轉水磨四輪寺兒溝在縣治西四十里泉水經流十里許灌田一百餘畝園圃二處轉水磨一輪西柳溝在縣治西四十里水經流四十里至白家岸入河灌地一千零四十畝轉水磨十六輪又縣治東三十里有方家泉水經流二里灌地三百畝園圃三處轉水磨二十四輪又縣治東四十里東柳溝水經流十五里灌地三百餘畝灌園圃二十餘處轉水磨十一輪又縣治東五十里買子堡其水從金縣屬之寺兒溝

接流經五六里灌地二頃餘由小水子入河又縣治東北五十里萬眼泉高崖懸瀑泉湧如星皋蘭境在泉上流金縣引渠轉水磨致水流趨下甚駛不能分溉山田注買子堡溉稻田數十頃則在金縣界矣五泉山泉紅泥巖泉水繞流南園六七里許灌地四百五十餘塙園圃六處轉水磨十四輪

阿干河水自摩雲關而南水皆北流曰分水嶺多花木有煤山炭山水北流十里曰和尚舖又北十里曰阿干山阿干河水出焉阿干河自羊寨至雷壇河八十里自打磨溝皋蘭縣續志

卷三

水利

三

至峴口四十里水皆北流大小泉七處打磨溝泉丁家泉閔家灣泉大石頭河泉回水灣泉阿干鎮泉又北石佛溝泉水入之天都山泉水入之亂泉鳴瀉引帶衆流匯爲一川山礪多大石水出石罅中共澆地五百餘塙又北曰果園峽開地廣又北曰侯家峪又北曰花寨子又北曰二十里舖迤西曰煤坡無泉水自川底岡至平道有泉六處泉子崖泉許家灣泉梁家灣泉八王泉碑亭泉石嘴子泉共澆地三千五百餘塙又北曰土嘴子至雷壇河有泉五處葉家灣泉麻黃泉夜雨岩泉謝家泉共澆地二千餘塙自

土嘴子沿山西邊爲渠水流注雷壇以西曰西園灌地一百五十餘畝自後五泉以下沿山東邊鑿山爲渠至龍尾山麓水流注上下溝北園名曰溥惠渠共轉水磨一百五十九輪上下溝至官驛後顏家溝一帶共灌地五百餘塢園圃十餘處北園灌地四十九塢四分園圃六處西園灌地一百五十餘畝園圃八處

橋津道塗

黃河鎮遠橋

在蘭州北城門外鐵索橫亘南北岸繫巨舟二十有四鋪板平之爲浮橋所謂萬里黃河止一橋者舊設河橋廳司橋事道光初裁汰以河橋歸皋蘭歷歲既久橋板日窄小壞爛車騎推兀多空鑿下見河水人畜渡者目眩心搖或失足墜水死民甚苦之道光二十年五月知皋蘭縣事嚴長宦捐俸錢易新板九百八十有三板長一丈四尺厚二寸五分寬一尺間有大板不能容者添湊小板以足之車

皋蘭縣續志

卷三

橋津道塗

古

轍馬跡履如坦途焉

西津橋

距縣城西六里許舊橫木爲之易損壞車騎行溝下頗艱難道光九年邑人楊應魁楊應福林一洧徐林等捐資改建石橋上修祖師樓人不病涉

金橋

在縣屬東岡鎮舊有木橋道光辛卯秋山水驟漲橋摧毀坎陷深丈許跋涉甚艱郡守陳士楨邑令龔鈞各捐廉俸衆商復出資相助悉疊石爲之王辰落成易今名立有碑

記

卧橋

在縣西關外雷壇河道光二十二年邑人曹曉霞捐資補修
五泉石橋

道光二十二年邑人曹曉霞捐資創修

官園

舊爲注水之區東新關之水滙焉居民苦之道光七年邑
令陳士楨爲買橫街金姓店內水路一道將東新關之水
改流城壕官園永除水患立有坊表碑記

皋蘭縣續志

卷三

橋津道塗

五

東岡坡道路

道光二十年布政使梁夢涵以東岡坡至蠶口道路多破
山水衝剝艱於行旅因率通省官員及衆客商等捐貲而
段修補二百餘里

上溝道路

道光二十二年邑人曹曉霞捐資修築

學校

有禮義然後有風俗師道立而善人多故教化之興莫先養士隴右地處西陲自皋蘭爲省會設立諸書院漸化薰陶文風丕變而守是邦者率賢大夫自是士多彬彬雅之儒里隆仁讓之化詩書絃誦爲一時盛志學校

蘭山書院

建置詳見前志乾隆乙巳總督福康安重修道光二年布政使屠之申改葺之二十一年蘭州道唐樹義從諸生狄述青等籲以門首舊日募商修造之屋宇仍歸書院請於皋蘭縣續志

總督恩特亨額等官錢五百千有奇改作齋房二十一楹新增十楹修補監院所居十五楹共四十六楹以新增之九楹易監院所居之十五楹實得齋房三十七楹齋內什物備具自此四方來學者咸得厦庇矣

五泉書院

嘉慶二十四年甘肅布政使屠之申與邑紳致仕前任湖北武昌道秦維嶽以蘭山爲通省書院蘭州一府肄業人數多額例少不足以廣造就且童生秀傑有才器者亦宜一體教訓培養乃議創立蘭州府屬五泉書院維嶽首捐

銀一千兩合邑紳上捐銀五百四十四兩屠之申及合省
官共捐銀四千五百兩買城北慶祝宮右地公廨一區建
修書院講堂三楹後正院上廳五楹山長居之其餘廂房
東西院齋屋共三十九楹肄業生童居之大門內東小院
屋六楹爲監院居大門內小屋二間書院門夫居共四十
八間除建修工費銀外其餘發商生息以爲講師修金及
諸生膏火薪水費維嶽首主講立學規皆有碑記

五泉書院條規

屠之申

各省書院之設所以教育人材振興文學興至隆也至
各府州縣亦俱設立書院生童俱准肄業其教乃廣甘

皋蘭縣續志

卷三

學校

十七

肅省城向止有蘭山書院係通省舉貢生監肄業之所
蘭州府未更設有書院是首郡爲人材聚集之地轉無
以廣作養而資漸摩多士寧無有向隅者乎余陳臬隴
右三載近復列藩茲士習民風知之漸悉而以首郡
書院之設爲必不可少用是與方松檉廉訪呂小圃觀
察楊燕庭太守蓋健園明府及皋蘭秦曉峯觀察並本
地紳士共相籌畫捐助而此事立就矣書院有皋蘭公
廨一所可用無煩建造竊以黨庠術序立教爲先甘省
地瘠民貧土多不能自贍賴司牧者有以誘掖之獎勸
之則士氣可以興我懋亭制府總制西陲懷民隱凡
所以資休養興教化者靡不畢舉茲之建立首郡書院
也制府諄諄諭之余與同官紳士恪遵勉爲之俾合郡
髦士之負笈而來者膏火有資觀摩有藉文風可期蒸
蒸日上矣邊陲廣鹿洞之傳則才俊多 鳳池之彥兩
河蠻序莫不涵濡教澤而頌制府之興賢育才培養士
氣爲從來所未有也爰定章程開列於後
一書院掌教宜擇品學兼優專以訓課爲事之舉人進
士由蘭州府以禮聘請住院訓迪其恩拔副貢生監一

概不得敦請更不得將乾食束修不佳書院有學無品之人濫充講席如有其事監院紳士當請本府另行選聘

一書院額設肄業正課副貢生監十名附課副貢生監十名正課童生十名附課童生二十名於每年開印後由蘭州府懸牌扁試照額錄取餘皆列為外課俱准在院肄業官堂課合計三次考列三等者正課降為附課附課降為外課三次考列一等者外課升為附課附課升為正課其應得膏火遇缺挨次補支正附課生童俱令在院居住其不住院者只給半分膏火外課生童願否在院居住聽其自便每月十二日定為官課一次由蘭州府舉蘭縣輪流扁試榜示以一二三等第酌捐獎賞初三二十三山長堂課二次亦榜示一二三等第官堂均試以制藝排律逢八日則聽山長試以策論經古文詞

一書院生息本銀當商五千兩茶商一千兩每月一分行息歲共得銀七百二十兩遇閏加增內掌教聘金四

皋蘭縣續志

卷三

學校

六

兩端午中秋節禮各四兩束修每月十六兩薪水每月四兩自二月初一日開館起至冬月三十日散館止共銀二百一十二兩副貢生監正課每名每月膏火一兩二錢附課八錢童生正課每名每月一兩附課六錢自二月開館起至冬月散館止共銀四百二十兩如遇鄉試之年副貢生監赴陝應試者準預支七八九三個月膏火以資盤費監院教習每歲給薪水銀四十兩學書一名每歲給工食銀十兩蘭州府儒學每歲給紙筆銀十兩每歲各給工食銀十兩蘭州府儒學每歲給紙筆銀十兩以上束脩薪水於每月十六日發送膏火工食紙筆等銀亦俱定於每月十六日支給其計每歲用銀七百一十七兩遇閏一律支給餘銀二兩與閏有半給膏火節省銀兩存作粘補房問之用專令監院教官於每年正七兩月初旬向茶當兩商收取息銀詳解蘭州府庫按月將應用數目造冊赴府支發蘭州府將支用數目於年底造報藩司衙門查考倘茶當兩商拖欠息銀經手書後尅扣侵蝕致不敷支用許地方紳士及肄業生童赴上司衙門控理

一監院教官止許在蘭州府皋蘭縣兩學教官內揀選一人兼管肄業生童內有嗜酒閒遊不勤攻書該監院隨時訓責倘有不遵約束者詳府逐出其府屬廳州縣有赴院肄業生童由該廳州縣教官具文申送凡非書院肄業之人無論官幕一概不准在院居住亦不得以書院借作公館

以上各條係書院應行之事酌定條規期於經久無弊而余重有爲諸生勤勉者德行本也文藝末也士先行而後文斷未有不敦實行而善文藝者亦未有不敦實行而能得科第者願生童矯脩自好以孝第端其本以仁恕存其心以禮義廉耻峻其防然後博觀乎載籍之林馳騁乎六藝之圃其爲文也則必根柢乎六經四子書而以史漢唐宋諸家爲程式清真雅正不惑於靡奇詭異之說則無慮其不能中式也願諸生童其知所從事焉

五泉書院續增額缺及赴陝盤費碑記

皋蘭縣續志

卷三

學校

九

五泉書院建自嘉慶二十四年其生童膏火數目經前方伯屠設立章程奉行在案次年奉前蘭州道楊飭知本府並狄河皋靖四州縣爲五泉書院撥出生息本銀五百兩發商生息以作書院生童月課卷價之資道光三年八月二十七日奉前蘭州府桂飭知蒙總督陝甘部堂邵嘉惠寒士擬於原定膏火之外酌加數名指彙給賞批司道會詳經前任蘭州道兼署甘肅布政使楊護蘭山書院生員十名五泉書院生童正課各五名五泉書院每年自二月起至十一月止計需銀一百一十兩以上蘭山書院及五泉書院每年共需加增膏火銀二百九十九兩查有發商生息一項每年除撥用外尚有盈餘請卽動用此項銀二百九十九兩其蘭山書院加增膏火銀一百八十兩由蘭州道移取其發五泉書院加增膏火銀由蘭州府請領核發各與原額膏火一併造冊報銷再向遇鄉試之年蘭山書院正外課諸生五十名每名給卷價銀八錢盤費銀八兩五泉書院則無此項寒士未免向隅懇請蘭山書院加增正課諸生十名並五泉書院原額正課諸生十名及加增正課諸生五

名赴陝鄉試一律給發卷價盤費統於生息項內動支以示體恤更請於司庫開欸內提借銀三千兩由司分發茶當各商首承領按月一分生息每年共息銀三百六十兩限正七兩月赴司交納陸續收還借項俟八年半後歸還清楚卽以所收息銀支發兩書院加增膏火銀二百九十兩外每年餘剩銀七十兩計三年共餘銀二百一十兩以之給發兩書院諸生鄉試卷價盤費僅不敷銀十兩由藩司捐足其數事可經久蒙批所議甚是卽如詳辦理並轉飭蘭州府遵照務在永久行之不致廢弛可也四年十一月三十日奉前署蘭州府朱飭知蒙本道憲楊批據五泉書院肄業生員徐敦元稟稱五泉書院先年鄉試因正附課原無額設盤費准其支領三月膏火以作路用今正課既有盤費銀八兩八錢則支領之膏火三兩六錢可以節省統計十五名共省銀五十四兩並附課支領之膏火二十四兩統共銀七十八兩請將此項准作附課十名盤費等情事屬可行不敷銀十兩由府捐足分給以示鼓勵其不住院之生童半支膏火著將應扣銀兩由監院教官立簿登記於

皋蘭縣續志

卷三

學校

二十

每月支領膏火內據實聲明以一半儘數作為次月堂課獎賞其餘一半請扣存府庫以爲歲修書院之用卽飭行皋蘭縣暨該監院教官知照五年四月奉前蘭州府桂蒙本道憲楊批據前皋蘭縣陞任固原州王牧稟明捐銀三百兩生息留作五泉書院生童炭資一案仰蘭州府卽飭該牧將本銀移交現任皋蘭縣發商生息衆商領狀資府存卷每歲該商應納息銀作為一次於九月間收存縣庫分作兩次於十月十五日及十一月十五日發交監院按正附課均勻給散年底將收支數目造冊投府查察以上加增額缺及捐給卷資赴陝盤費卷價並五泉書院炭資各義舉皆名大憲郡侯邑侯惠養寒暖之盛意諸生沐浴膏澤宜何如感激奮興以期邊郡人文蒸蒸日上乎爰詳叙而爲之記

五泉書院存貯書目

十三經一部二十套計一百五十六本
古文淵鑿一部六套計三十六本

四書滙叅一部計三十本

康熙字典一部六套計四十本

文選集評一部二套計十六本

集驗良方一部一套計六本

淵鑿類函一部二十套計一百六十本

廿一史一部一套計八本

子史精華一部六套計四十八本

綱鑑易知錄一部六套計四十六本

杜詩詳註一部四套計二十四本

李青蓮全集輯註一部二套計十六本

論檄教條二套

惜字規條三套

兵鏡備考二套

兵錄四套

重刊宋本儀禮注疏附校勘記二套

重刊宋本禮記注疏附校勘記三套

重刊宋本論語一套

重刊宋本孟子一套

皋蘭縣續志

卷三

學校

三

重刊宋本周禮二套

重刊宋本周易一套

重刊宋本左傳三套

重刊宋本毛詩三套

重刊宋本尚書一套

重刊宋本孝經一套

重刊宋本公羊一套

重刊宋本穀梁一套

畿輔通志六套

天下郡國利病書十四套

西湖志四套

一統志一部計五十本

大清通禮二套

四書類典賦二套

大成通志一套

周官精義一套

讀史方輿紀要十二櫃

夢雪草堂讀易錄五本

錦字箋一套

御製文二集一套

已未詞科全圖一套

圖將軍殉難記事五本

官拾錄二套

春秋公羊傳三套

四書通二十六本

國朝名文大小題精選二本

詩經集傳一套

論語七扇一封

孟子十七扇一封

欽定三禮義疏十六套

聖教序一套

學庸漸通板片四十六塊

新修蘭州府志一套

五泉書院詩賦課獎資

皋蘭縣續志

卷三

學校

三

道光二十一年蘭州府唐樹義增設五泉書院詩賦課捐俸獎勵既陞蘭州道與新任郡守怡昌各捐俸錢二百千文府屬各牧令共捐俸錢四百餘千又籌府庫閒款一百餘千共錢一千千文發茶商生息歲得息錢一百千每逢八日課詩賦三分其息錢之十千以獎勵之

皋蘭書院

在縣城東南隅明指揮署後為營署道光二十一年縣令徐敬捐廉另購營署以易之建為書院共計房屋五十餘間敬首先捐俸錢三千餘貫及外府州縣共捐銀二千兩

有奇合邑紳士共捐銀四千兩零由縣發商生息每年共計利銀六百餘兩以爲修金膏火之需立有條規碑記

皋蘭書院章程

一皋蘭書院之設生童并取而童生功課尤爲緊要故主講一席專請本縣進士舉人蓋以本地院長教訓本地子弟非親卽友情誼原不隔膜口吻亦復相叶卽有居鄉者院長問或不識而旣屬同縣自可因親及親因友及友考課入院後其童生之往來功課之勤惰非惟院長易於稽查卽該童父兄師長亦可隨時請見院長互相督責與請外縣院長徒事文辭一道而生童貪圖膏火不能着實用功難以稽查者迥然不同如此立規則學業無荒定獲成效

一凡設立書院必有監院一員監理院內一切大率皆請本縣學師茲皋蘭書院監院協同院長搬在書院居

皋蘭縣續志

卷三 學校

三三

住口夜查察生童功課出入等事若仍請學師監院恐蘭山五泉兩書院輪流監理不暇及此况遇縣府及學憲考試連日印卷早夜伺候又不能分身監院且在省城或有上院對本之時不免差遣迎送之責勢必於書院之事多所曠悞今仍擬請本地紳士或舉人或貢生總以老成無外務者專司其事庶與院長有輔弼之益而書院一切事務不至廢弛

一皋蘭書院之設卽古鄉學之制山長任大責重推薦務在得人本縣蒞任無幾兼之庶務紛乘不獲與縉紳相往來何由知一邑之賢否况同官或因情託轉相薦引情面所礙終或不能自主舉邑科第聯翩人文最著主講一席責成典文社齋長會同闔學老成及曾任事者秉公酌議按科分擇其品學素爲衆望所屬呈明本縣以禮聘請住院訓迪

一山長主講卽請本地紳士擬以三年爲度以應大比考績之期年滿交卸時與文社公舉呈縣敦請其因事

更換自行辭去者不在此例

一每年初次甄別本縣務將生童分坐兩處各盡所長勿令有捨倩倖取之弊

一一生童正副課住院不得私行擅進聽甄別取准後再為分住其有有課而就外傳不願住院者聽之勿容扣短膏火若無師傅而遊曠不在院者每名定扣膏火二錢其屬餘房屋外課再住庶免擁擠爭奪之弊

一書院課期每月三次十六日定為官課由臬蘭縣屆試榜示一二三等酌捐獎賞初五二十五山長堂課二次亦榜示一二三等官堂課均試以制藝排律逢十日則聽山長試以策論經古詞賦

一書院官堂課日期無論生童均宜清晨到院出題扁試着監院齋長嚴行約束令其即日交卷不准逾期以杜代倩錄舊彌縫揭案之弊

一官堂課期點名時生童務須衣冠整齊不得臨時互相換易平日早晚出入亦宜循規蹈矩勿自甘於輕佻

臬蘭縣續志

卷三

學校

三

放浪違者監院以不敬懲戒

一住院生童回家嗜飯到院時約以鄉學散館為度不得昏夜扣門任意出入違者定行懲究

一一生童住院者將日間所讀何文所講何書寫作功課本於每早呈遞監院轉送院長逐一查考如有功夫荒疎不自奮勵者監院嚴加責懲

一住院生童日用菜米諸物均遣火夫出買一切茶館酒肆閑雜人等不許藉某先生某學生之名擅行來往着門斗日行防查

一監院協同院長督課生童其中或有喫酒賭博引誘子弟不勤攻書即於邪僻者隨時以夏楚訓責不遵者逐出

一一生童每月課期一次不到罰膏火三分之一二次者三分之二次扣除錄舊詩文者罰一半代倩者彼此

各罰一半詩失粘者監院隨時戒飭至冬月監院齋長將所有罰項算齊按生童名數分給以作煤火之費

一凡書院房屋非書院肄業之人無論官幕一概不准居住亦不得以書院借作公館

一臬蘭生童有在蘭山五泉兩書院業經考取者仍許在臬蘭書院考列正副課支給膏火以示鼓勵

一書院辦理公事之齋長每年上館時須於闔學廩生內老成練達者院長監院同眾公舉二人經理院中修理添補棹椅板片及每歲束修膏火一切出入銀項同監院斟酌舉行事後開具清帳於年底卸事時點出並呈縣查核准其支使正課膏火各一分俾得盡心公事課之應否聽之若有侵蝕濫費等弊經後來查出同院長監院理處其在院生童不得藉端生事

一興文社同眾公舉院長宜按科分前後不准徇私越次如前科現在之人實係不能勝任或出外及有館不就者准於次科中選舉

臬蘭縣續志

卷三 學校

三

一監院同齋長管理銀錢款項宜每年更換以杜弊端定以一舉一貢輪流監理亦按科分前後着興文社同眾選舉每年於上館時交卸所有書院存貯書籍棹椅器具及一切公置什物俱用號簿載明其有損傷者交新任籌款修補差失者照簿墊賠

一臬蘭書院額設肄業生童正課生員十名副課生員十名正課童生十五名副課童生二十名每年開印後由本縣懸牌示期屆試照額錄取餘皆列為外課俱准在院肄業官堂課合計三次連考列三等者正課降為副副降為外三次連考列一等者外課陞為副副陞為正其應得膏火挨次補支

一書院房屋與棹椅板片之類宜按年粘補修理以期永久茲於公項外每年撥息銀二十兩着監院齋長經理工竣後開具清帳貼出報銷並清摺呈縣查核

一書院專為臬蘭設立其有狄道河州金縣渭源靖遠各屬考案有名之生童不得竄名入考以杜跨冒之弊

違者縱一時蒙混收考後經查出定行除名

一字紙洩天地之秘揭聖賢之心為人人所當敬惜茲特捐銀一百兩合併發商著監院覓一誠篤之夫逐日檢收焚化按月給生息銀一兩以作工食須當盡心查辦勿俾歷久寢衰

一龍泉里塾為前臬憲譚公所建義學年久傾廢茲酌加脩理外每月復撥給生息銀二兩以作延師束修之用著塾中董事人按期向監院齋長處支領奉送

一書院生息本銀共六千三百兩發當商每月每兩一分生息歲共得銀七百五十六兩遇閏加增內院長束修每月十兩薪水每月一兩節禮八兩自二月初一日開館起至十一月三十日散館止共銀一百二十兩正課生員十名每名每月膏火銀一兩副課十名每月八錢正課童生十五名每名每月膏火銀八錢副課二十名每月六錢自二月起十一月止共銀四百二十兩如遇鄉試之年諸生有赴陝應試者准其支七八九三月

臬蘭縣續志

卷三

學校

三六

膏火以資盤費監院每歲束修銀六十兩月費十二兩節儀八兩齋長二名每年膏火銀二十兩學夫一名歲給工食銀十兩卷價銀二十兩紙筆銀四兩門斗一名歲給工食銀十兩院夫一名工食銀八兩縣禮房每歲紙筆銀八兩每歲修理銀二十四兩外拾字紙工食銀十二兩龍泉里塾束修銀二十四兩以上各項定於每月十六日支給共計每歲用銀七百五十六兩遇閏一律支給

一書院生息專令監院同齋長於每年正月初旬向當商算明收取詳解縣庫按月將應用數目造册赴縣請領支發縣禮房將支用數目於每歲年底造報藩憲衙門查考倘當商拖欠息銀經手書役剋扣短少不敷支用許監院會同本地紳士及肄業生童赴上憲衙門控理

青城書院 在一條城

道光十一年臬蘭金縣邑紳顧名張錦芳劉世保等倡捐

邑中合力醵錢三千餘千文創修屋宇計正廳三間兩廡各三間屏門一道兩廡各三間講堂三間兩廡各五間二門連亭共三間兩廡各三間大門三楹照壁一座置買市房一處大門一間計房共三十二間隨市價取租青城在金縣皋蘭兩縣界內故兩縣生童均肄業於此一條城宋狄青築故名青城合邑商民每年出境買菸担貨物每担捐銀一分以作東修膏火之資居是城者風氣尙存古處事耕讀寒峻聰秀之子詩古文詞競相研鍊故登賢書成進士者頗不乏人謂非培植斯文之效歟

皋蘭縣續志

卷三

學校

三

義學社學

前志縣城義學社學五南關社學久廢乾隆五十年以南稍門義學改爲回民義學又添置海家灘回民義學仍五處每歲館師修金在蘭州道署支發道光十四年知皋蘭縣黃璟捐俸銀二百兩添置義學二一在新關雲光寺一在西關報功祠其銀發商生息以爲義學師束修費在皋蘭縣署領存案

五營義學

道光九年制府楊遇春以五營子弟雖嫻弓馬宜明義理

乃捐俸銀一千二百兩發商一分行息歲取息銀一百四十四兩均分五營爲義學師修脯之費中營義學在山子石中營三聖廟左營義學在南稍門右營義學在樺林山前營義學在新關祖師廟後營義學在官溝沿火祖廟官園義學

乾隆五十年太學生秦基貴倡議捐修鄉塾一所講堂三間齋房六間以便聚就近寒苦家之聰秀者設帳授經門外置學舖一所歲取租以爲修補費官園明蕭藩紅花園地在東關後街官倉旁

皋蘭縣續志

卷三

學校

二天

龍泉里塾

前按察使譚尙忠設立自乾隆丁酉後日就傾圮道光二十一年邑令徐敬捐廉重葺復撥銀三百兩彙皋蘭書院生息一例發商由皋蘭書院齋長經理每月致送學師修金二兩詳載皋蘭書院條規內

皋蘭興文社

創自乾隆四十一年邑人邵華清張繹武等呈文廟舖租餘銀一百兩請交商生息以助鄉試盤費蘭州太守康基淵因而愍寒士赴舉者往來長安數千里艱資斧迺自捐

俸銀及同寅曾任蘭州郡縣者共捐銀一千五百兩交商
生息爲舉子鄉試會試貢生廷試費至道光十九年蘭州
太守陳士楨潘棟邑令邵煜捐俸及公項銀一千兩發商
生息專給公車盤費又前後邑士並曾官臬蘭者合共捐
銀二千九百兩發商生息爲各項盤費需蘭州道府縣皆
存案其一切章程及捐銀姓名書於文廟碑及康公祠碑
邑士感基淵創始德爲立康公祠歲時祀報祠在河北文
昌宮內

文廟學舖

臬蘭縣續志

卷三

學校

三九

在縣府學門外空地乾隆四十年邑廩生程鴻翔因兩學
廩銀贖餘者積至百金因倡議捐修兩學空地爲舖十間
歲取租以待補修文廟費嗣後劉鷓舉張朝楨繼之增修
學舖二十間其舖租公舉品行端方及老成諸紳生同掌
管立有碑記

捐增鄉歲試卷資

道光十八年署縣令鄭元吉因肄業生童多屬寒賤每逢
鄉歲試艱於應考捐撥錢二百千文發商一分生息三年
計利錢一百零八千文屆期散給歲試童生卷資錢四十

五千五百文散給鄉試各生卷資錢六十二千五百文永
以爲例案存縣署

皋蘭書院初設時生息銀共本六千三百兩發給當商
每月一分生息歲得銀七百五十六兩遇閏加增其師
生束修膏火及書斗工食卷價雜項有贏無絀後商民
以生息太多力不能支呈請減爲年例一分是以生童
膏火不敷原額經知縣蕭國本李淳按月捐廉支給淳
蒞任次年以膏火出於捐項非經久計迺前後兩次捐
銀九百兩發商生息以補其缺士林頌之補人

